

مُسْلِمِين

MUSLIMIN

Surat Berita Hal Ehwal Ugama



Keluaran: Kementerian Hal Ehwal Ugama
Terbitan: Pusat Da'wah Islamiyah



OGOS 2022 M

Muharram - Safar 1444 H
Tahun 34 • Bil 8



BERITA UTAMA

BERANGKAT KE MAJLIS HAFLUT TAKHARRUJ UNISSA KALI KE-12

>>3

Majlis Iftar
Hijrah Sempena
Sambutan Awal
Tahun 1444 Hijrah

10-11

Bengkel
Menyempurnakan
Jenazah

15

Musabaqah Muallaf
Senegara

12

Bengkel
Pengurusan Jenazah
Melibatkan Belia/
Beliawanis Masjid

19

Bantuan Enjin
Penjana Elektrik

13

Ketajaman Da'wah
Bergantung kepada
Ilmu dan Kepakaran

20

Program Qalbun
Salim



5

**Haflut Takharruj
Kali Kesepuluh ITQSHHB**

Pengurniaan syahadah Diploma 'Aliyah Qira'at kepada graduan kali ini terdiri daripada 16 orang siswa dan 3 orang siswi.



7

**Berangkat Ke Majlis
Pembuka Tirai Musabaqah**

Pembuka Tirai Musabaqah dimulakan dengan bacaan al-Qur'an dari enam (6) orang peserta iaitu tiga (3) peserta qari dan tiga (3) peserta qariah.



9

**6 Peserta Berentap di Hari
Kedua Musabaqah**

Tema Musabaqah Membaca Al-Qur'an Bahagian Dewasa Peringkat Akhir Kebangsaan Tahun 1443 Hijrah /2022 Masihi ialah "Bertemankan Al-Qur'an Sepanjang Zaman".

Zikir Harian

سُبْحَانَ اللَّهِ وَسُلْطَانَ مُحَمَّدَ وَسُبْحَانَ الْعَظِيمِ

Maha Suci Allah dengan segala puji bagi-Nya
Maha Suci Allah yang Maha Agung

FADHILATNYA:

Akan dihapuskan dosa-dosa sebanyak buih di lautan.
Setiap kali disebut akan tertumbuh satu pohon
di taman syurga untuk sesiapa
yang mengamalkannya.

| Lidah Pengarang |



BELIA SIAGA MASA DEPAN

1 Ogos merupakan tarikh istimewa yang telah diiktiraf di negara ini sebagai Hari Belia Kebangsaan. Ini menunjukkan bahawa Kerajaan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam peka dan tidak pernah mengabaikan golongan belia serta sentiasa memberi perhatian penuh dalam usaha pembangunan belia ke arah mendukung Wawasan Brunei 2035.

Belia merupakan aset negara yang penting. Generasi inilah yang mencetuskan perubahan demi perubahan yang positif untuk kepentingan negara terutama dari aspek ekonomi dengan penuh keyakinan, komited dan berdedikasi. Mereka adalah cerminan sebenar masa depan negara. Doa dipanjatkan kepada Allah Subhanahu wa Ta'ala agar generasi belia kita disertakan dengan iman, akhlak dan taqwa kepada Allah Subhanahu wa Taala selaras dengan firman-Nya dalam surah an-Nahl ayat 97, mahfumnya:

"Sesiapa yang mengerjakan amalan yang shalih sama ada laki-laki atau perempuan sedang dia orang yang beriman, maka sesungguhnya kami sudah tentu akan menghidupkannya dengan kehidupan yang baik, dan kami sudah tentu akan membalaas mereka dengan ganjaran yang lebih baik daripada apa yang mereka telah kerjakan."

Selamat menyambut Hari Belia Kebangsaan ke-17

Anggota Redaksi



PENASIHAT: Haji Abd. Rajid bin Haji Mohd. Salleh, Pengarah Pusat Da'wah Islamiah • **PENOLONG PENASIHAT:** Abd. Aziz bin Haji Abd. Kahar, Penolong Pengarah Pusat Da'wah Islamiah • **KETUA PENERBIT:** Hajah Ruzaimah binti Haji Ibrahim, Pemangku Ketua Bahagian Kajian dan Penerbitan • **PENOLONG KETUA PENERBIT:** Hajah Suriyati binti Haji Ahmed, Penolong Ketua Bahagian Kajian dan Penerbitan [Pemasaran] • **PENYELARAS:** Hazey Suzainah binti Shaya • Rokiah binti Haji Mohamad Serudin • **KUMPULAN TENAGA KERJA:** Qairunnisa binti Haji Jalil • Hajah Ratna Wati binti Haji Abdul Karim • Mohamad Zeliyan bin Ahad • Dahlan bin Chuchu • Azizah binti Hidup • Suriati binti Haji Ali Hussin • Dayang Hayatun Syakirah binti Haji Awang Abdul Ghani • **PEREKA BENTUK KONSEP & SUSUN ATUR LETAK:** Mohamad Zeliyan bin Ahad • **PEMBAHAGI MAJALAH:** Pg. Md Rafiuddin bin Pg. Hj Badaruddin • Nurul Nabilah binti Masri • **GAMBAR:** Kementerian Hal Ehwai Ugama • Pusat Da'wah Islamiah • Jabatan Penerangan •

BERANGKAT KE MAJLIS HAFLUT TAKHARRUJ UNISSA KALI KE-12

Oleh : Hazey Suzainah Shaya



KEBAWAH Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah dan Duli Yang Teramat Mulia Paduka Seri Pengiran Muda Mahkota Pengiran Muda (Dr) Haji Al-Muhtadee Billah berangkat masuk ke Dewan Plenari dengan didahului Bentara menjunjung Mushaf UNISSA di hadapan perarakan.

BERKASA, Isnin, I Safar bersamaan

29 Ogos – Haflut Takharruj Universiti

Islam Sultan Sharif Ali (UNISSA) Ke-12 kali ini berjaya melahirkan 431 graduan, jumlah tertinggi sejak pengeluaran graduan pada tahun 2011 yang lalu.

Para graduan dalam pelbagai peringkat pengajian telah diraikan dengan pengurniaan ijazah dan diploma, pada Majlis Haflut Takharruj ke-12 UNISSA yang berlangsung di Dewan Plenari, Pusat Persidangan Antarabangsa, Berakas.

Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam, Canselor UNISSA telah berkenan berangkat bagi mengurniakan ijazah dan diploma tersebut.

Berangkat sama, Duli Yang Teramat Mulia Paduka Seri Pengiran Muda Mahkota Pengiran Muda (Dr) Haji Al-Muhtadee Billah, Menteri Kanan

Norarfan bin Haji Zainal.

Kebawah Duli Yang Maha Mulia berangkat masuk ke Dewan Plenari dengan didahului Bentara menjunjung Mushaf UNISSA di hadapan perarakan serta diiringi dengan alunan selawat dan qasidah (dikir) 'Ahlan Bikum Sultanana' dan kemudiannya diikuti dengan nyanyian lagu kebangsaan 'Allah Peliharakan Sultan'.

Haflut Takharruj diimarahkan dengan bacaan ayat-ayat suci al-Qur'an iaitu surah Yasin bermula ayat 33 hingga 36, dibacakan oleh graduan Ijazah Sarjana Muda Syariah (Fiqh dan Kehakiman), Awang Abdul Hafiz bin Haji Abd. Kadiroshman, yang telah mewakili Negara Brunei Darussalam pada Musabaqah Tilawatil Al-Qur'an anjuran ASEAN Bahrain Council, Bahrain serta menyertai pertandingan Musabaqah Tilawatil Qur'an Belia Kebangsaan.

Manakala bacaan hadits disampaikan oleh graduan Sarjana Muda Usuluddin, Awang Ahmad Shafie bin Aim. Intisir ayat-ayat suci al-Qur'an dan hadits pula dibacakan oleh graduan Sarjana



KEBAWAH Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah berkenan mengurniakan titah.



KEBAWAH Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah berkenan mengurniakan sijil kepada para graduan.

Muda Syariah (Fiqh dan Usul), Awang Mohammad Arif Al-Haziq bin Haji Abdul Rahman.

Pada majlis tersebut, baginda Sultan berkenan mengurniakan titah sebelum menyempurnakan pengurnian ijazah dan diploma kepada para graduan.

Terdahulu, rektor UNISSA dalam sembah alu-aluannya antara lain mengongsikan bahawa pada Haflut Takharruj kali ini, Pusat Penyelidikan Halalan Tayyiban mengeluarkan graduan sulung melalui program Ijazah Sarjana Muda Sains Halal.

Selesai sembah alu-aluannya, rektor UNISSA kemudiannya memaklumkan penerima-penerima pingat dan hadiah buku universiti serta para penyumbang. Haflut Takharruj tahun ini menyaksikan seorang graduan menerima ijazah doktor falsafah, 38 graduan sarjana, 13 graduan diploma siswazah, 339 graduan menerima ijazah sarjana muda dan 40 graduan diploma.

Daripada jumlah tersebut, seramai 22 graduan terdiri daripada pelajar antarabangsa iaitu dari Thailand, Indonesia, Maldives, Singapura, Malaysia, Republik Arab Mesir, Gambia dan Uganda. Majlis tahun ini juga memperkenalkan graduan pertama Kursus Sarjana Muda Sains Halal seramai 74 orang dan Diploma Kebangsaan Da'e dan Kepimpinan seramai 13 orang.



ATAS & Bawah: Antara graduan yang diraikan bersama sijil masing-masing.



KEBAWAH Duli Yang Maha Mulia dan DYTM Paduka Seri Pengiran Muda Mahkota berkenan dijunjung bagi berswafoto bersama para graduan.

HAFLUT TAKHARRUJ KALI KESEPULUH ITQSHHB

Oleh : Qairunnisa Haji Jalil



DULI Yang Teramat Mulia Paduka Seri Pengiran Muda Mahkota Pengiran Muda (Dr.) Haji Al-Muhtadee Billah dan Duli Yang Teramat Mulia Paduka Seri Pengiran Muda Abdul Malik berkenan berangkat menghadiri Majlis Haflut Takharruj kali kesepuluh ITQSHHB.

BERAKAS, Rabu, 19 Muharram bersamaan 17 Ogos – Duli Yang Teramat Mulia Paduka Seri Pengiran Muda Mahkota Pengiran Muda (Dr.) Haji Al-Muhtadee Billah ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Menteri Kanan di Jabatan Perdana Menteri berkenan berangkat ke Majlis Haflut Takharruj Kali Kesepuluh Institut Tahfiz Al-Qur'an Sultan Haji Hassanal Bolkiah yang berlangsung di Dewan Utama, Pusat Persidangan Antarabangsa, Berakas.

Keberangkatan tiba Duli Yang Teramat Mulia Paduka Seri Pengiran Muda Mahkota Pengiran Muda (Dr.) Haji Al-Muhtadee Billah dijunjung oleh Yang Berhormat Pehin Udana Khatib Dato Paduka Seri Setia Ustaz Haji Awang Badaruddin bin Pengarah Dato Paduka Haji Awang Othman, Menteri Hal Ehwal Ugama selaku Penaung Jawatankuasa Tertinggi Haflut Takharruj Kali Kesepuluh Institut Tahfiz Al-Qur'an Sultan Haji Hassanal Bolkiah, Yang Berhormat Pehin Datu Seri Maharaja Dato Paduka Seri Setia

(Dr.) Ustaz Haji Awang Abdul Aziz bin Juned, Mufti Kerajaan selaku Penasihat Jawatankuasa Tertinggi Haflut Takharruj Kali Kesepuluh Institut Tahfiz Al-Qur'an Sultan Haji Hassanal Bolkiah, Yang Mulia Pengiran Dato Seri Paduka Haji Mohd Tashim bin Pengiran Haji Hassan, Timbalan Menteri Hal Ehwal Ugama selaku Pengurus Jawatankuasa Tertinggi Haflut Takharruj Kali Kesepuluh Institut Tahfiz Al-Qur'an Sultan Haji Hassanal Bolkiah serta ahli-ahli Jawatankuasa Tertinggi dan Jawatankuasa Kerja Haflut Takharruj kali Kesepuluh Institut Tahfiz Al-Qur'an Sultan Haji Hassanal Bolkiah.

Berangkat sama, Duli Yang Teramat Mulia Paduka Seri Pengiran Muda Abdul Malik ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah.

Majlis dimulakan dengan persembahan Hafazan Ayat-ayat Suci al-Qur'an dengan bacaan Qira'at Ibnu Wardan, surah 'Abasa ayat 17 hingga ayat 42, dibacakan oleh Yang Mulia Awang Ahmad Ridhwan Azzawani bin Haji Zainul Arifin, sementara intisari ayat dibacakan oleh Yang Mulia Awang Mohd Afif Fikri bin Haji Abu Bakar.





DULI Yang Teramat Mulia Paduka Seri Pengiran Muda Mahkota Pengiran Muda (Dr.) Haji Al-Muhtadee Billah berkenan menyempurnakan pengurniaan penganugerahan syahadah (sijil) kepada para graduan ITQSHB.

«**5** Ini diikuti dengan sembah aluan oleh Yang Berhormat Pehin Udana Khatib Dato Paduka Seri Setia Ustaz Haji Awang Badaruddin bin Pengarah Dato Paduka Haji Awang Othman, Menteri Hal Ehwal Ugama.

Pada Majlis tersebut, Duli Yang Teramat Mulia Paduka Seri Pengiran Muda Mahkota Pengiran Muda (Dr.) Haji Al-Muhtadee Billah ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Menteri Kanan di Jabatan Perdana Menteri telah berkenan mengurniakan sabda.

Majlis diserikan dengan ceramah khas bertajuk "Keagungan Peranan

al-Qur'an" yang disampaikan oleh Yang Mulia Pengiran Haji Ahmad Faris Ramadhani bin Pengiran Haji Sellahuddin, Pegawai Hal Ehwal Masjid, Jame' Asr Hassanal Bolkiah, Jabatan Hal Ehwal Masjid, Kementerian Hal Ehwal Ugama.

Seterusnya Duli Yang Teramat Mulia Paduka Seri Pengiran Muda Mahkota Pengiran Muda (Dr.) Haji Al-Muhtadee Billah ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Menteri Kanan di Jabatan Perdana Menteri berkenan menyempurnakan pengurniaan penganugerahan syahadah (sijil) Diploma 'Aliyah Qira'at kepada 19

orang graduan Institut Tahfiz Al-Qur'an Sultan Haji Hassanal Bolkiah.

Pengurniaan syahadah Diploma 'Aliyah Qira'at kepada graduan kali ini terdiri daripada 16 orang siswa dan 3 orang siswi. Seramai 12 orang penerima pangkat Mumtaz (Cemerlang), 5 orang penerima pangkat Jayyid Jiddan (Sangat Baik), dan 2 orang penerima pangkat Jaiyid (Baik). Penganugerahan Diploma 'Aliyah Qira'at Al-Qur'an kepada para graduan Institut Tahfiz Al-Qur'an Sultan Haji Hassanal Bolkiah adalah sebagai pengiktirafan atas kejayaan para sisw-siswi khusus dalam bidang Hafazan al-Qur'an dan ilmu Qira'at. ■



DULI Yang Teramat Mulia Paduka Seri Pengiran Muda Mahkota Pengiran Muda (Dr.) Haji Al-Muhtadee Billah dan Duli Yang Teramat Mulia Paduka Seri Pengiran Muda Abdul Malik serta Ahli-ahli Jawatankuasa Tertinggi dan Jawatankuasa Kerja Haflut Takharrij kali Ke Sepuluh ITQSHB berkenan bergambar ramai dengan para graduan.

BERANGKAT KE MAJLIS PEMBUKA TIRAI MUSABAQAH

Oleh : Hajah Ratna Wati Haji Abdul Karim



DULI Yang Teramat Mulia Paduka Seri Pengiran Muda Mahkota Pengiran Muda (Dr.) Haji Al-Muhtadee Billah dan Duli Yang Teramat Mulia Paduka Seri Pengiran Muda Abdul Malik diiringi oleh Yang Berhormat Menteri Ugama.

BERAKAS, Selasa, 3 Safar bersamaan 30 Ogos – Duli Yang Teramat Mulia Paduka Seri Pengiran Muda Mahkota Pengiran Muda Haji Al-Muhtadee Billah Ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Menteri Kanan di Jabatan Perdana Menteri berkenan berangkat ke Majlis Musabaqah Membaca Al-Qur'an Bahagian Dewasa Peringkat Akhir Kebangsaan Tahun 1443 Hijrah / 2022 Masihi. Majlis Berlangsung di Dewan Plenari, Pusat Persidangan Antarabangsa, Berakas.

Keberangkatan tiba Duli Yang Teramat Mulia Paduka Seri Pengiran Muda Mahkota Pengiran Muda Haji Al-Muhtadee Billah di Pusat Persidangan Antarabangsa dijunjung oleh Yang Amat Mulia Pengiran Indera Setia Diraja Sahibul Karib Pengiran Anak Haji Idris bin Pengiran Maharaja Lela Pengiran



Muda Abdul Kahar, Yang Di-Pertua Adat Istiadat Negara, Jabatan Adat Istiadat Negara, Jabatan Perdana Menteri; Yang Berhormat Pehin Udana Khatib Dato Paduka Seri Setia Ustaz Haji Awang Badaruddin bin Pengarah Dato Paduka Haji Awang Othman, Menteri Hal Ehwal Ugama selaku Pengurus Jawatankuasa Tertinggi Musabaqah Membaca Al-Qur'an Bahagian Dewasa Peringkat Kebangsaan Tahun 1443 Hijrah /2022 Masihi; Yang Berhormat Pehin Datu Seri Maharaja Dato Paduka Seri Setia (Dr.) Ustaz Haji Awang Abdul Aziz bin Juned; Mufti Kerajaan; Yang Berhormat Pehin Orang Kaya Dato Paduka Seri Utama Dato Paduka Seri Setia Haji Awang Salim bin Haji Besar; Ketua Hakim Syar'ie dan Yang Mulia Pengiran Dato Seri Paduka Haji Mohd Tashim bin Pengiran Haji Hassan, Timbalan Menteri Hal Ehwal Ugama serta Ahli-ahli Jawatankuasa Tertinggi Musabaqah Membaca Al-Qur'an Bahagian Dewasa Peringkat Kebangsaan Tahun 1443 Hijrah /2022 Masihi yang lain.

Berangkat sama ialah Duli Yang Teramat Mulia Paduka Seri Pengiran Muda 'Abdul ms. 6



DULI Yang Teramat Mulia Paduka Seri Pengiran Muda Mahkota Pengiran Muda (Dr. Haji Al-Muhtadee Billah semasa mengurniakan sabda di majlis tersebut.

ms. 7 'Abdul Malik ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah.

Di majlis musabaqah tersebut, Duli Yang Teramat Mulia Paduka Seri Pengiran Muda Mahkota Pengiran Muda Haji Al-Muhtadee Billah telah berkenan mengurniakan sabda dan seterusnya menyempurnakan perasmian Musabaqah Membaca Al-Qur'an Bahagian Dewasa Peringkat Akhir Kebangsaan Tahun 1443 Hijrah / 2022 Masihi.

Majlis dimulakan dengan bacaan surah al-Fatihah beramai-ramai dipimpin oleh Yang Berhormat Pehin Orang Kaya Dato Paduka Seri Utama Dato Paduka Seri Setia Haji Awang Salim bin Haji Besar; Ketua Hakim Syarie.

Acara kemudian diikuti dengan sembah alu-aluan oleh Menteri Hal Ehwal Ugama; Yang Berhormat Pehin Udana Khatib Dato Paduka Seri Setia Ustaz Haji Awang Badaruddin bin Pengarah Dato Paduka Haji Awang Othman selaku Pengerusi Jawatankuasa Tertinggi Musabaqah Membaca Al-Qur'an Bahagian Dewasa Peringkat Kebangsaan Tahun 1443 Hijrah / 2022 Masihi.

Musabaqah kemudian dimulakan dengan bacaan al-Qur'an dari enam (6) orang peserta iaitu tiga (3) peserta qari dan tiga (3) peserta qariah.



ATAS & Bawah: Antara qari dan qariah yang memperdengarkan bacaan mereka pada hari pertama musabaqah. Musabaqah Membaca Al-Qur'an Bahagian Dewasa Peringkat Akhir Kebangsaan Tahun 1443 Hijrah /2022 Masihi.



masing di hari pertama musabaqah. Musabaqah Membaca Al-Qur'an Bahagian Dewasa Peringkat Akhir Kebangsaan Tahun 1443 Hijrah / 2022 Masihi ini membawa tema "Bertemankan Al-Qur'an Sepanjang Zaman".

Musabaqah ini berlangsung selama tiga hari berturut-turut dan akan disambung lagi pada hari kedua, 4 Safar bersamaan 31 Ogos. Sementara itu, Majlis Pengumuman Keputusan bagi menentukan Johan Qari dan Qariah Majlis Musabaqah Membaca Al-Qur'an Bahagian Dewasa Peringkat Akhir Kebangsaan Tahun 1443 Hijrah / 2022 Masihi akan diumumkan pada Hari Khamis malam Jumaat, 5 Safar bersamaan 1 September di Dewan Plenari, Pusat Persidangan Antarabangsa, Berakas, jam 7.15 malam. ■

6 PESERTA BERENTAP DI HARI KEDUA MUSABAQAH

Oleh : Suriati Haji Ali Hussin



Duli Yang Teramat Mulia Paduka Seri Pengiran Muda Abdul Malik berangkat menghadiri hari kedua Majlis Musabaqah Membaca Al-Qur'an Bahagian Dewasa Peringkat Akhir Kebangsaan Tahun 1443 Hijrah /2022 Masihi.

BERAKAS, Rabu, 4 Safar bersamaan 31 Ogos – Musabaqah Membaca Al-Qur'an Bahagian Dewasa Peringkat Akhir Kebangsaan Tahun 1443 Hijrah /2022 Masihi diteruskan lagi dengan seramai tiga orang qari dan tiga orang qariah memperdengarkan bacaan ayat-ayat suci al-Qur'an bagi hari kedua Majlis Musabaqah Membaca Al-Qur'an Bahagian Dewasa Peringkat Akhir Kebangsaan Tahun 1443 Hijrah /2022 Masihi, yang berlangsung di Dewan Plenari, Pusat Persidangan Antarabangsa, Berakas.

Keberangkatan tiba Duli Yang Teramat Mulia Paduka Seri Pengiran Muda 'Abdul Malik ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah pada hari kedua Majlis Musabaqah tersebut dijunjung oleh Menteri Hal Ehwal Ugama, Yang Berhormat Pehin Udana Khatib Dato Paduka Seri Setia Ustaz Haji Awang Badaruddin bin Pengarah Dato Paduka Haji Awang Othman beserta dengan Ahli-ahli Jawatankuasa Tertinggi Musabaqah Membaca Al-Qur'an Bahagian Dewasa Peringkat Akhir Kebangsaan Tahun 1443 Hijrah / 2022 Masihi.

Majlis dimulakan dengan bacaan surah al-Fatihah beramai-ramai dipimpin oleh Yang DiMuliakan Pehin Orang Kaya Paduka Setia Raja Dato Paduka Seri Setia Haji Awang Suhaili bin Haji Mohiddin.



Musabaqah kemudian dimulakan dengan bacaan al-Qur'an dari 3 orang peserta qari dan 3 orang peserta qariah.

Duli Yang Teramat Mulia Paduka Seri Pengiran Muda 'Abdul Malik ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah seterusnya berangkat meninggalkan majlis setelah selesai bacaan enam orang peserta bagi hari kedua musabaqah.

Majlis musabaqah berhenti rehat dan disambung pada hari ketiga dengan Majlis Pengumuman Keputusan bagi menentukan Johan Qari dan Qariah Majlis Musabaqah Membaca Al-Qur'an Bahagian Dewasa Peringkat Akhir Kebangsaan Tahun 1443 Hijrah /2022 Masihi akan diadakan pada Hari Khamis (malam Jumaat), 1 September di tempat yang sama bermula jam 7.30 malam.

Tema Musabaqah Membaca Al-Qur'an Bahagian Dewasa Peringkat Akhir Kebangsaan Tahun 1443 Hijrah /2022 Masihi ialah "Bertemankan Al-Qur'an Sepanjang Zaman". ■

MAJLIS ILAL HIJRAH SEMPENA SAMBUTAN AWAL TAHUN 1444 HIJRAH

Oleh : Azizah Hidup



YANG Berhormat Pehin Udana Khatib Dato Paduka Seri Setia Ustaz Haji Awang Badaruddin bin Pengarah Dato Paduka Haji Awang Othman, Menteri Hal Ehwal Ugama menyampaikan hadiah penghargaan dan pengiktirafan kepada penerima.

BERAKAS, Khamis, 27 Muharram bersamaan 25 Ogos – Dalam sama-sama memperingati, menyemarakkan dan mengalau-alukan kedatangan Awal Tahun Hijrah 1444, Kementerian Hal Ehwal Ugama tidak ketinggalan dalam sama-sama meraikannya dengan mengadakan Majlis Ilal Hijrah bersempena Sambutan Awal Tahun 1444 Hijrah di Dewan Persidangan Utama, Pusat Persidangan Antarabangsa (ICC), Berakas dengan mengekalkan tema Majlis Sambutan Awal Tahun 1444 Hijrah Peringkat Negara iaitu “Bersabar, Berikhtiar, Bertawakkal dan Berdoa Menghadapi Ujian: Memacu Wawasan Negara”.

Majlis Ilal Hijrah anjuran Kementerian Hal Ehwal Ugama mengetengahkan penghijrahan dan kejayaan beberapa orang Asnaf Zakat (fakir miskin dan muallaf) yang telah berjaya memajukan diri dari segi sosio-ekonomi dan pendidikan sebagai sumber inspirasi kepada Asnaf Zakat yang lain khasnya dan masyarakat lain umumnya. Majlis juga turut memberikan penghargaan kepada rakan-rakan strategik Kementerian Hal Ehwal Ugama yang berusaha dalam membantu membangun Asnaf Zakat tersebut melalui program-program yang disediakan.



ANTARA penerima anugerah di majlis tersebut yang terdiri daripada golongan asnaf.



Majlis tersebut dihadiri oleh Yang Berhormat Pehin Udana Khatib Dato Paduka Seri Setia Ustaz Haji Awang Badaruddin bin Pengarah Dato Paduka Haji Awang Othman, Menteri Hal Ehwal Ugama Negara Brunei Darussalam selaku tetamu kehormat majlis dan seterusnya menyempurnakan penyampaian hadiah penghargaan dan pengiktirafan.

Hadir sama, Timbalan Menteri Hal Ehwal Ugama; Yang Mulia Pengiran Dato Seri Paduka Haji Mohd Tashim bin Pengiran Hassan, Setiausaha Tetap, Kementerian Hal Ehwal Ugama; Yang Mulia Awang Haji Mohammad Rosli bin Haji Ibrahim, Timbalan Setiausaha Tetap Kementerian Hal Ehwal Ugama; Yang Mulia Awang Haji Mohd Serudin bin Haji Timbang serta Pengarah-Pengarah Jabatan dan Bahagian serta para Pegawai Kanan di bawah Kementerian Hal Ehwal Ugama.

Sebanyak tiga kategori telah diberi penghargaan dan pengiktirafan iaitu Kategori Asnaf Zakat yang berjaya menaiktaraf kehidupan melalui program latihan dan agihan bantuan daripada Majlis Ugama Islam dan Pusat Da'wah Islamiah, Kategori Pelajar-pelajar terdiri daripada anak-anak Asnaf Zakat yang cemerlang dalam pendidikan bagi peperiksaan Sijil Pelajaran Am Peringkat Lanjutan ('A'Level), Sijil Tinggi Pelajaran Ugama (STPU) dan Ijazah Sarjana Muda dan penghargaan dan pengiktirafan kepada rakan-rakan strategik Kementerian Hal Ehwal Ugama yang turut bekerjasama dalam membangun asnaf tersebut.

Anugerah Ilal Hijrah atas kejayaan dalam Bidang Keusahawanan bagi Asnaf Zakat bagi tahun 1444H/2022M ialah Dayang Nur Ameerah Raziqin binti Abdullah Yong @ Yong Siaw Mee dari N-TRE Restaurant & Catering N-TRE Company, Dayang Nur Haziyah binti Abdul Rahman @ Enya Anak Eri, dari Syarikat Hazeeyah Agro Farm, Dayang Salmiah binti Haji Tarang @ Wahab dari Syarikat Katering Harum Kindana, Awang Ajis bin Dollah dari AE Jaya Enterprise dan Dayang Nuraini binti Muhd Amlee @ Noraini binti Amlee

Manakala penerima Anugerah Ilal Hijrah atas kejayaan dalam Bidang Pendidikan bagi Tahun 1444H/2022M terbahagi kepada tiga bahagian iaitu Pelajar Cemerlang dalam Bidang Pendidikan bagi Pelajar-pelajar Yang Menerima Bantuan bagi Tahun 1444H/2022M, Pencapaian Cemerlang dalam Ijazah Sarjana Muda ialah Awang Muhammad Masnursyafiq Hisyam bin Abdullah Masri, Dayang Siti Nur Syahirah binti Muhd Asnawi @ Bong Yick Hwan @ Vanessa Anne Bong, Awang Muhammad Walib bin Khalid dan Dayang Nurul Rafidah binti Amran.

Pencapaian cemerlang dalam peperiksaan Sijil Tinggi Pelajaran Ugama Brunei (STPUB) pula ialah Dayang Nur Badzlin binti Haizzil Bahrin, Awang Muhammad Khairul Ikhwana bin Rohaidin; Dayang Nur Amelia Natasha @ Nurul Rashidah binti Pungut, Dayang Nur Siti Azizah binti Haji Yahya, Dayang Alai Nur Haadiya Sya'irah @ Nurarafah binti Abdul Wahab dan Dayang Zafirah binti Baha.

Manakala pencapaian cemerlang dalam peperiksaan GCE 'A' level pula ialah Dayang Adibah Zahrah binti Ismail, Awang Mohammad Noraiman bin Azlan, Dayang Farisha Natasha binti Mohd Firdaus, Awang Shakir Zufayri bin Abdullah, Dayang Siti Syazlina Watie binti Sharin, Dayang Siti Suhaila binti Mohiddin dan Dayang Nurhayati Syasya binti Lisa.

Anugerah Ilal Hijrah bagi Kategori Konsortium Muallafpreneurs serta penghargaan dan pengiktirafan atas kerjasama dalam membangun Asnaf Zakat bagi Tahun 1444H/2022M ialah Penolong Pengarah, Pusat Pembangunan Belia, Kementerian Kebudayaan Belia dan Sukan; Dayang Fauziah binti Haji Salleh, Timbalan Pengarah Urusan, Bank Islam Brunei Darussalam (BIBD); Dayang Hajah Noraini binti Haji Sulaiman dan Human Resource

and Administrative Executive, Royal Brunei Culinary (RBC); Awang Muhammad Afiq bin Mahmud.

Terdahulu Majlis Ilal Hijrah juga diserikan dengan Forum Ilal Hijrah yang disampaikan oleh Yang Mulia Aydarus Ahmad Alhabshi dari Republik Singapura manakala moderator oleh Yang Mulia Dr. Haji Noralizam bin Haji Aliakbar, Dekan Fakulti Syariah, Kolej Universiti Perguruan Ugama Seri Begawan.

Di akhir majlis, Yang Berhormat Pehin Menteri Hal Ehwal Ugama berkesempatan berkunjung untuk menyaksikan showcase kejayaan dan kecermerlangan peserta-peserta PROPAZ dan Asnaf Zakat di kawasan Concourse ICC.

Selain daripada menyemarakkan lagi Sambutan Awal Tahun Hijrah 1444, Majlis Ilal Hijrah anjuran Kementerian Hal Ehwal Ugama diadakan juga adalah sebagai wadah bagi warga Kementerian Hal Ehwal Ugama untuk sama-sama mensyorkan ugama Islam melalui Majlis Hari-hari Kebesaran Islam serta menjadi platform bagi memberiagakan nama khusus bagi Sambutan Awal Tahun Hijrah dengan mengambilkira sempena nama khas bagi mengalu-alukan kedatangan tahun baru hijrah dengan semangat mengajak umat Islam sentiasa istiqamah dalam mengubah diri kepada yang lebih baik dari setahun ke setahun.

Majlis Ilal Hijrah ini diungkayahkan oleh Kementerian Hal Ehwal Ugama melalui Jabatan Pentadbiran dengan kerjasama Bahagian Kemajuan Sy'ar Islam dan kerjasama beberapa Jabatan dan Bahagian di bawah Kementerian Hal Ehwal Ugama. ■



YANG Mulia Aydarus Ahmad Alhabshi dari Republik Singapura turut diundang untuk menyampaikan Forum Ilal Hijrah.



PARA tetamu dan jemputan yang hadir.

MUSABAQAH MUALLAF SENEGARA

Oleh : Mohamad Zelihan Ahad



AWANG Muhammad Saiful Dafi bin Muhammad Suhaimi @ Suanddy bin Suhaimi, juara bagi peserta lelaki.



DAYANG Hajah Norainie binti Abdullah @ Kantat Anak Sagai peserta perempuan muncul juara bagi Kategori Murattal Al-Qur'an.

PULAIIE, Rabu, 12 Muharram bersamaan 10 Ogos

- Awang Muhammad Saiful Dafi bin Muhammad Suhaimi @ Suanddy bin Suhaimi peserta lelaki dan Dayang Hajah Norainie binti Abdullah @ Kantat Anak Sagai peserta perempuan muncul juara bagi Kategori Murattal Al-Qur'an di Musabaqah Murattal Al-Qur'an dan Menghafaz Ayat-ayat Lazim berserta Pemahamannya bagi Muallaf Senegara pagi tadi yang berlangsung di Dewan Persidangan, Pusat Da'wah Islamiah, Kementerian Hal Ehwal Ugama, Kampong Pulaie.

Bagi Kategori Menghafaz Ayat-ayat Lazim berserta Pemahamannya pula, menyandang juara ialah Awang Haji Muhammad Nabil Hakim bin Haji Muhammad Nabil Hafizzuddin @ Alexson anak Ampeling, dan Dayang Siti Nur Syahirah binti Muhd Asnawi @ Bong Yick Hwan @ Vanessa Anne Bong.

Seramai 16 orang peserta bertanding terdiri daripada 4 orang peserta lelaki dan 4 orang peserta perempuan bagi kategori Murattal Al-Qur'an. Manakala 4 orang peserta lelaki dan 4 orang peserta perempuan bagi kategori Menghafaz Ayat-ayat Lazim berserta Pemahamannya. Musabaqah merupakan salah satu acara yang dikendalikan oleh Bahagian Pembangunan Muallaf (Tarbiyah Muallaf), Pusat Da'wah Islamiah.

Hadir selaku tetamu kehormat dan seterusnya menyempurnakan penyampaian hadiah dan sijil penghargaan kepada para pemenang Musabaqah Murattal Al-Qur'an dan Menghafaz Ayat-ayat Lazim berserta Pemahamannya bagi Muallaf Senegara ialah Yang Berhormat Pehin Udana Khatib Dato Paduka Seri Setia Ustaz Haji Awang Badaruddin bin Pengarah Dato Paduka Haji Awang Othman, Menteri Hal Ehwal Ugama, Negara Brunei Darussalam.

Johan bagi kategori Murattal Al-Qur'an membawa pulang piala pusingan sumbangan Yang Berhormat Pehin Udana Khatib Dato Paduka Seri Setia Ustaz Haji Awang Badaruddin bin Pengarah Dato Paduka Haji Awang Othman, Menteri Hal Ehwal Ugama, wang tunai sebanyak B\$1000.00, akaun Tekad Haji sebanyak \$500.00 sumbangan daripada Perbadanan Tabung Amanah Islam Brunei (TAIB) dan sijil penghargaan.

Peserta-peserta yang bertanding bagi kategori Menghafaz Ayat-ayat Lazim berserta Pemahamannya merupakan johan musabaqah di peringkat daerah masing-masing dan mara untuk bertanding di Musabaqah Senegara.

Antara objektif utama musabaqah ini diadakan ialah untuk menggalakkan para muallaf agar sentiasa membaca al-Qur'an dan memahami bacaan al-Qur'an dengan lebih mendalam. Di samping itu, untuk melahirkan muallaf yang berlumba-lumba meraih ilmu daripada al-Qur'an dan seterusnya memperkasa pembacaan dan penghafazan ayat-ayat al-Qur'an serta menjadikannya sebagai amalan seharian. Di samping itu, menjunjung titah Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzuddin Waddaulah semasa Mesyuarat Khas Majlis Ugama Islam (MUIB) di mana baginda menegaskan agar da'wah di negara ini perlu dipertajamkan. Tegas baginda, "Kita juga mahu da'wah itu berkesan, da'wah yang berkesan itulah, da'wah yang berjaya." ■

BANTUAN ENJIN PENJANA ELEKTRIK

Oleh : Dyg. Hayatun Syakirah Haji Awang Abdul Ghani



PENYERAHAN bantuan peralatan elektrik kepada penerima yang disampaikan oleh Yang Mulia Awang Haji Abd Rajid bin Haji Mohd Salleh, Pengarah Pusat Da'wah Islamiah

TUTONG, Sabtu, 15 Muharram bersamaan 13 Ogos

- Pusat Da'wah Islamiah, Kementerian Hal Ehwal Ugama melalui Bahagian Pembangunan Muallaf (Kebajikan Muallaf) dengan kerjasama Unit Da'wah Daerah Tutong telah mengadakan majlis penyerahan bantuan berupa enjin penjana elektrik kepada dua orang muallaf iaitu Awang Muhammad Sahlan bin Abdul Latif @ Sahlan anak Nyarang dan Awang Haji Mohd Zariman bin Abdullah Tong @ Sumpil anak Tong. Majlis diadakan di rumah kediaman penerima-penerima tersebut di Kampung Kuala Ungar, Jalan Benutan, Daerah Tutong.

Hadir selaku tetamu kehormat dan seterusnya menyempurnakan penyerahan peralatan ialah Yang Mulia Awang Haji Abd Rajid bin Haji Mohd Salleh, Pengarah Pusat Da'wah Islamiah.

Turut hadir, Yang Mulia Awang Abd Aziz bin Haji Abd Kahar, Penolong Pengarah Pusat Da'wah Islamiah, dan Yang Mulia Awang Muhammad Yusri bin Haji Abd



BERGAMBAR ramai bersama tetamu kehormat majlis dengan penerima-penerima serta pegawai dan kakitangan Pusat Da'wah Islamiah.

Majid, Ketua Unit Da'wah Daerah Tutong.

Majlis dimulakan dengan bacaan Sayidul Istighfar dan surah al-Fatiha oleh pegawai daripada Pusat Da'wah Islamiah. Diikuti dengan penyerahan bantuan enjin penjana elektrik kepada Yang Mulia Awang Muhammad Sahlan bin Abdul Latif dan Yang Mulia Haji Mohd Zariman bin Abdullah Tong.

Doa selamat dibacakan oleh pegawai dari Pusat Da'wah Islamiah dan majlis diakhiri dengan demonstrasi cara mengendalikan enjin penjana elektrik untuk penerima-penerima tersebut.

Majlis seumpama ini merupakan salah satu inisiatif Pusat Da'wah Islamiah membantu para muallaf yang memerlukan bantuan dalam menjalani kehidupan sehari-hari mereka dengan lebih selesa dan baik. Ianya juga adalah salah satu da'wah dalam usaha memeduli dan mengangkat kesejahteraan para muallaf di negara ini. ■

PROGRAM QALBUN SALIM

Oleh : Dahlan Chuchu

PULAI, 26 Muhamarram bersamaan 24 Ogos – Pusat Da'wah Islamiah melalui Bahagian Penyebaran Da'wah telah mengadakan Program Qalbun Salim bertempat di Dewan Serbaguna, Pusat Da'wah Islamiah.

Seramai 20 orang peserta terdiri daripada 13 orang peserta lelaki dan 7 orang peserta perempuan telah menyertai program yang dikendalikan selama 2 hari bermula 23 hingga 24 Ogos 2022.

Peserta-peserta yang menyertai program ini adalah kalangan murid-murid Sekolah Ugama Darjah 5 antaranya dari Sekolah Ugama Pusar Ulak, Sekolah Ugama Mabohai, Sekolah Ugama Delima Satu, Sekolah Mutawakkil Hayatul Bolkiyah Serusop dan Sekolah Ugama Pulaie.

Hadir sama di Program tersebut ialah Yang Mulia Awang Haji Abd Rajid bin Haji Mohd Salleh; Pengarah Pusat Da'wah Islamiah yang juga menyempurnakan penyampaian sijil kepada peserta-peserta program.



ANTARA peserta yang menyertai Program Qalbun Salim.



YANG Mulia Awang Haji Abd Rajid bin Haji Mohd Salleh; Pengarah Pusat Da'wah Islamiah semasa menyempurnakan penyampaian sijil.

Antara objektif program ini diadakan ialah untuk memberikan kesedaran tentang aqidah yang betul di samping memberikan pendedahan kepada para pelajar mengenai kepentingan akhlak Islam yang terpuji serta menimbulkan kesedaran untuk menghayati dan mengamalkan ibadat dengan sempurna menurut ajaran Islam.

Program dimulai dengan sesi suai kenal para peserta program diikuti dengan sembahyang fardhu Zuhor dan Asar berjemaah. Tajuk-tajuk kursus yang diajarkan sepanjang program termasuk Aqidah, Thaharah (praktikal wudhu'), Akhlak, Dare to Change, Uja Hatiku dan Perisai diri yang disampaikan oleh tenaga pembimbing terdiri daripada pegawai dan kakitangan Pusat Da'wah Islamiah.

Program ini diharap akan dapat memberi manfaat kepada para pelajar dan memberi nilai tambah dalam menghadapi kehidupan sebagai seorang pelajar dan meraih keimanan yang mantap serta dapat mengamalkan ajaran Islam dengan penuh keyakinan dan ketaqwaan kepada Allah Subhanahu wa Ta'alaa. ■

BENGKEL MENYEMPURNAKAN JENAZAH

Oleh : Rokiah Haji Mohamad Serudin

binti Mohamad selaku pemudahcara bengkel.

Bengkel diadakan adalah untuk menambahkan lagi pengetahuan para muslimah yang menyertai bengkel tersebut melalui penerangan secara teori dan praktikal mengenai tatacara pengurusan dan penyempuraan jenazah. Di samping itu, bagi meningkatkan keyakinan para peserta bengkel dan berani untuk mengendalikan pengurusan jenazah dengan betul.

Bengkel juga dihasrat menarik minat para muslimah masjid untuk menubuhkan kumpulan penggapai di masjid-masjid sekaligus memudahkan orang ramai untuk mendapatkan khidmat penggapai bagi menyempurnakan jenazah terutama bagi mereka yang tinggal di kawasan pendalaman. Ianya juga bertujuan untuk menggalakkan penglibatan para muslimah dalam hal ehwal kemasyarakatan secara aktif dan sukarela. ■



YANG Mulia Dayang Noradiana binti Haji Md Japar dan Yang Mulia Norlila binti Mohamad selaku pemudahcara bengkel.

GADONG, Selasa, 25 Muhamarram bersamaan 23 Ogos – Jabatan Hal Ehwal Masjid melalui Bahagian Hal Ehwal Muslimah meneruskan lagi siri Bengkel Menyempurnakan Jenazah bagi Kelas Bimbingan Muslimah Masjid. Bengkel tersebut diadakan di Masjid Pengiran Muda 'Abdul Malik, Kampong Tungku/Katok dan dikendalikan dengan kerjasama Pejabat Hal Ehwal Masjid Daerah Brunei Muara dan Ahli Jawatankuasa Takmir Masjid berkenaan.

Seramai 30 orang muslimah dari Daerah Brunei Muara telah mengikuti bengkel tersebut yang disampaikan oleh dua (2) orang penggapai dari daerah tersebut iaitu Yang Mulia Dayang Noradiana binti Haji Md Japar dan Yang Mulia Norlila



MUSLIMAH dari Daerah Brunei Muara yang mengikuti bengkel menyempurnakan jenazah pada hari tersebut.


Majlis Pengislaman OGOS 2022



Mafhumnya:


...Allah jualah yang mengurniakan hidayah kepada sesiapa yang dikehendaki-Nya ke jalan yang lurus (agama Islam)

Surah al Baqarah ayat 142



STATISTIK PENGISLAMAN

Keramaian Orang yang Memeluk Ugama Islam di Seluruh Negara bagi tahun 2022



Dewasa: Berumur 14 Tahun 7 bulan ke atas.
Kanak-kanak: Berumur 14 Tahun 7 bulan ke bawah.

| Features |

DIVINE MAHABBAH

Love of Allah, for Allah, by Allah, With Allah

Sharifah Khadijah Husien Alkaff

The Ansari Man

An Ansari came crying to Prophet Shallallahu 'alaihi wa sallam. The Prophet Shallallahu 'alaihi wa sallam asked: "Why are you crying?" The Ansari man replied: "O Prophet of Allah, by Allah other than whom there is no god but He, I love you more than my own family and wealth. By Allah other than whom there is no god but He, I love you more than I love myself. I constantly think of you. I wish to always see you. I suddenly realise that if you die and I die, I will never be in your company again except on this earth.

Verily you are the most exalted among the prophets and I realise that even if I were to enter Paradise, my station is much lower than yours."

Rasulullah Shallallahu 'alaihi wa sallam did not respond immediately until the following was revealed to him in Surah an-Nisaa' verse 69, Allah Subhanahu wa Ta'ala says:

And who obeys Allah and the Messenger then they will be with those whom Allah has blessed

of the prophets and the truthful and the bearers of testimony (or martyrs), and the righteous: and what a goodly company are these!

This togetherness, just as it takes place on earth, also occurs in the barzakh (purgatory) and in the hereafter. In these three realms, a person is with the one he loves. Even though Saiyidina Ali 'alaihissalam knew that the enemies of Islam wanted to kill the Prophet Shallallahu 'alaihi wa sallam and that if he slept in the Prophet's Shallallahu 'alaihi wa sallam bed his life would be at stake, he did not hesitate to risk his life to protect the Prophet Shallallahu 'alaihi wa sallam and Islam. In fact Saiyidina Ali 'alaihissalam said that the best sleep he ever had was on that night (Hijrah).

The Love of a Snake

Pursued by the enemies, the Prophet Shallallahu 'alaihi wa sallam and Saiyidina Abu Bakar as-Shiddiq hid in a cave some distance from Makkah. Saiyidina Abu Bakar was reciting while the Holy Prophet was resting with his head on Abu Bakar's knee. Suddenly a snake stuck its head out of a hole in the wall of the cave. Saiyidina Abu Bakar was frightened so he closed up the hole with a piece of his garment.

Every time the snake showed itself in a different hole, he stuffed up the hole with a piece of cloth. At last, when the snake came out of a hole close to him, Saiyidina Abu Bakar obstructed it with the heel of his foot. The snake bit him and from the pain, tears rolled down the cheeks of Saiyidina Abu Bakar, dropping onto the face of Prophet Shallallahu 'alaihi wa sallam thereby waking him. When the Holy Prophet learned what had happened, he spoke to the snake:

"Are you not ashamed of yourself for biting the foot of my beloved friend and causing him such pain?" The snake replied: "O Prophet of Allah, one day, long ago, I heard a word of the Prophet 'Isa who said 'After my time there will come a Prophet and his name will be Ahmad. This Prophet will endure great tribulations at the hands of his own people. He will flee from them and hide from them in a cave for three days. This is written in the Holy Book of the Injil.' 450 years have passed by and I have been living in this cave waiting all that time. Since I first heard this Prophet's name, I became enamoured with him. I have spent my time opening holes like windows in this rock so that I might catch a glimpse of this Prophet Shallallahu 'alaihi wa sallam. Now the time has come and this good friend of yours has nothing better to do than close up all my carefully excavated windows. That is why I had to bite him, O Muhammad Shallallahu 'alaihi wa sallam!"

After sucking out the poison from Saiyidina Abu Bakar, Prophet Shallallahu 'alaihi wa sallam stroked the snake and said: *Promise me that you will not bite anyone belonging to my nation from now on. The snake gave its word and the Prophet Shallallahu 'alaihi wa sallam prayed for its progeny to become numerous and for its scent to remain with it until the Day of Judgement. To this very day, this snake is found frequently in Makkah, and its body gives off a lovely scent. No one hurts it and it harms no one.*"



Firman Allah Subhanahu wa Ta'alā dalam surah an-Nisaa' ayat 145 mahfumnya:

Sesungguhnya orang-orang munafiq itu ditempatkan pada tingkatan yang terhawah sekali dari (lapisan-lapisan dalam) neraka. Engkau tidak sekali-kali akan mendapat sesiapapun yang boleh menolong mereka.

Orang munafiq adalah orang yang berpura-pura beriman sedangkan hatinya tetap kufur kepada Allah Subhanahu wa Ta'alā. Orang munafiq itu dapat diklasifikasikan kepada tiga; orang yang berkata dusta, mereka yang mungkir pada janji dan mereka yang mengkhianati sesuatu amanah.



أسماء الابناء

NAMA ANAK LAKI-LAKI

Hidzqi Ra'if

حدقي رئيف

Kepandaianku, yang sangat pengasih

Hadziq Razin

حاذق رزين

Yang mahir, cekap, tenang dan penyabar

Hashif Rabbani

حصيف رباني

Yang bijaksana, salih, arif dan taat kepada Allah

Nama-Nama
BISAI
untuk anak
damit



Daripada Abu Hurairah Radhiallahu 'anhu Rasullullah Shallallahu 'alaihi wa sallam bersabda yang bermaksud:

"Lelaki yang paling dimurkai oleh Allah pada hari kiamat dan paling hina ialah lelaki yang diberi nama 'Malikul Amlak'..."

(Hadits Riwayat Imam Muslim)

أسماء البنات

NAMA ANAK
BINI-BINI

Huwaina Radhiana

هوييني راضيانا

Kelelah lembutan, kehalusan,
keredhaan kami

Haura' Rif'ah

حوراء رفعة

Wanita yang bermata
cantik, berkulit putih, tinggi
kedudukan dan kemuliaan

Hana' Rabiahah

هناء رباحية

Kegembiraan, kebahagiaan
dan keuntungan



PETIKAN TITAH
KEBAWAH DULI YANG MAHA MULIA
PADUKA SERI BAGINDA SULTAN
HAJI HASSANAL BOLKIAH
MU'IZZADDIN WADDAULAH
IBNI AL-MARHUM SULTAN
HAJI OMAR ALI SAIFUDDIEN
SA'ADUL KHAIRI WADDIEN,
SULTAN DANYANG DI-PERTUAN
NEGARA BRUNEI DARUSSALAM

SEMPENA
SAMBUTAN HARI BELIA
KEBANGSAAN KALI KE-17

'Belia Siaga Masa Depan'

"Hari ini kita melihat transformasi belia sedang berlaku, dengan mereka itu didapati lebih berwawasan dan berani untuk meneroka bidang-bidang baharu, di antaranya bidang perekonomian, digital, inovasi sosial, agri-bisnes dan industri-kreatif. Misalnya, dari sudut pertumbuhan ekonomi, hasil produk usahawan belia telah melangkaui jauh sehingga ke peringkat luar negara, khususnya dalam bidang teknologi komunikasi, pembangunan aplikasi pintar dan perisian (software), agri-bisnes, tekstil dan kreatif "

| Program Keugamaan Belia |

BENGKEL PENGURUSAN JENAZAH MELIBATKAN BELIA/BELIAWANIS MASJID

KILANAS, Ahad, 23
Muarram bersamaan 21

Ogos – Jabatan Hal Ehwal Masjid melalui Bahagian Imarah dengan kerjasama Pejabat Hal Ehwal Masjid Daerah Brunei Muara dan Ahli Jawatankuasa Takmir Masjid Duli Raja Isteri Pengiran Anak Damit, Mukim Kilanas, telah mengadakan Bengkel Pengurusan Jenazah bagi Ahli Jawatankuasa Takmir Masjid dan Kumpulan Belia dan Beliawanis Masjid Senegara bagi Mukim Kilanas. Bengkel tersebut diadakan di masjid berkenaan.



TETAMU kehormat Yang Mulia Pengiran Haji Haslin bin Pengiran Haji Ali, Pemangku Penolong Pengarah Hal Ehwal Masjid, Kementerian Hal Ehwal Ugama semasa menyampaikan sijil kepada peserta.

menguruskan jenazah yang seterusnya dapat melahirkan pelapis-pelapis dari kalangan masyarakat terutama golongan muda yang berkelayakan dalam penyempurnaan jenazah. Bengkel ini juga dihasrat dapat menanamkan rasa tanggungjawab kepada para peserta bengkel sekali gus menyemai kepercayaan masyarakat terhadap penglibatan golongan Ahli Jawatankuasa Takmir dan Belia dalam pengurusan jenazah.

Hadir selaku tetamu kehormat dan menyampaikan sijil kepada para peserta ialah Yang Mulia Pengiran Haji Haslin bin Pengiran Haji Ali, Pemangku Penolong Pengarah Hal Ehwal Masjid, Kementerian Hal Ehwal Ugama.

Bengkel seperti ini akan dilaratkan lagi ke mukim-mukim yang lain mengikut jadual yang telah ditetapkan.

KETAJAMAN DA'WAH BERGANTUNG KEPADA ILMU DAN KEPAKARAN

Oleh : Hazey Suzainah Shaya

BERAKAS, Isnin, 1 Safar bersamaan

29 Ogos - Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Dipertuan Negara Brunei Darussalam, Canselor Universiti Islam Sultan Sharif Ali (UNISSA) bertitah menekankan, ketajaman da'wah sangat bergantung kepada ilmu dan kepakaran. Tanpa faktor ilmu dan kepakaran, hasil yang diharapkan tidak akan datang bergolek.

"Untuk itu, UNISSA memang patut untuk turut menyediakan program keilmuan atau kursus latihan bagi para da'ie," titah Kebawah Duli Yang Maha Mulia pada Majlis Haflut Takharruj Kali Ke-12, UNISSA yang berlangsung di Pusat Persidangan Antarabangsa Berakas.

Terdahulu, baginda bertitah mengambil maklum bahawa UNISSA menawarkan program da'wah dalam struktur pengajiannya. Sehubungan itu, baginda mengimbah kembali saranan baginda semasa mengadakan lawatan tidak berjadual ke Pusat Da'wah Islamiah baru-baru ini agar para da'ie diberikan pelbagai latihan da'wah atau diberikan peluang bagi pengajian lanjutan dalam bidang da'wah.

"Di samping bidang da'wah, pelbagai bidang lain juga sama-sama perlu diperkasa, dengan para pelajar mesti digalakkan untuk memperolehi kelulusan akademik yang cemerlang.

"Beta yakin, UNISSA adalah mampu untuk menjayakan apa juga program yang ditawarkannya," titah baginda lagi.



KEBAWAH DULI YANG MAAH MULIA PADUKA SERI BAGINDA SULTAN HAJI HASNAL BOLKIAH MU'IZZADDIN WADDAULAH BERKENAN MENGURNIAKAN TITAH DI MAJLIS HAFLUT TAKHARRUJ KALI KE-12, UNIVERSITI ISLAM SULTAN SHARIF ALI.

Baginda seterusnya bertitah menekankan bahawa setiap kejayaan tersebut adalah ia satu pencapaian, dan mengenai pencapaian tersebut, Fakulti Ekonomi dan Kewangan Islam UNISSA telah diiktiraf untuk memenangi Global Islamic Finance Awards (GIFA) dalam Kategori GIFA Market Leadership Award (Education in Islamic Banking and Finance) 2021.

Kemudian, baginda bertitah, UNISSA seterusnya meraih kedudukan Top 201-300 dalam WURI Ranking (World's Universities with Real Impact) yang diterajui oleh Institute for Policy and Strategy on National Competitiveness (IPSNC).

"Manakala, kursus 'Projek Keusahawanan' yang ditawarkan melalui Fakulti Ekonomi dan Kewangan Islam UNISSA pula, telah berjaya menduduki Top 51-100 dalam Kategori Semangat Keusahawanan.

"Ini adalah syi'ar; satu tanda kecemerlangan. Tahniah dan syabas kepada UNISSA.

"Untuk pencapaian seperti ini dapat berterusan menjadi kenyataan, maka pihak UNISSA mustahak mempunyai sistem urus tadbir yang sentiasa relevan, terutama dalam menerajui hal ehwal pelajar; seperti menyediakan jadual pengajian, cara pengajian disampaikan, pelbagai aktiviti berupa kurikulum di luar bilik kuliah dan lain-lain, hendaklah mengikuti piawaian yang betul kerana semua itu menjadi penentu kepada kualiti warga UNISSA, khasnya para siswa dan siswinya.

"Malah, peringatan ini juga beta tujukan kepada semua institusi pengajian tinggi di negara ini," titah baginda. ■